



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 205. Arragonensium Legatorum adventus.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

§. CCIV.

Sæcul. XV.
A. C. 1416.

Hussitæ Bohemi ad Concilium vocati.

Celebratæ sunt aliæ Congregationes usque ad sequentem sessionem, in quibus de dissidiis Episcopi Tridentini cum Friderico Austriæ Duce, necnon & de citatione Hussitarum in Bohemia agebatur. Hoc edicto fere quingenti Bohemi intra certum temporis spacium Constantiæ comparere jubebantur. Insuper Synodus, requirente Promotore, Patriarchæ Constantinopolitano præcepit, audiret Bohemos, ac de causa summarie cognosceret usque ad sententiam definitivam exclusive.

Vander Hardt to. 4. p. 822.

§. CCV.

Adventus Legatorum Arragonensium.

Tandem quinto Septembris die, Legati Arragonum Regis advenerunt, multis honorum signis excepti. Horum erant quinque, sextum locum tenentem Antonio Taxal, qui jam antea aliquo tempore Constantiæ versabatur. Decima currentis Mensis die, in Generali Coetu ad alloquium admittebantur, ac inter eos *Speransdeus* de Cardonna, Doctor, nomine ceterorum verba fecit, exponens missos se Constantiam eo

Schelfstr. act. Conc. p. 251.

Hist. Eccles. Tom. XXVI.

Q con-

Sæcul. XV. confilio, ut unacum Conventu, (non enim Concilium appellabant) extirpationi schismatis ac hæresum, unioni Ecclesiæ, ejusque emendationi in capite & membris, necnon Electioni novi Pontificis sedulam navarent operam. Nominis vero sui Regis ac suorum collegarum paratum se exhibebat, ad exacte exequendam Narbonnensem conventionem prout ipsis in mandatis datum esset, quam primum congregationi fuissent aggregati. Gratiarum actionem hisce Legatis exsolvit Cardinalis Vivariensis quadam oratione, in qua felicitis recordationis Ferdinandum Regem, ejusque successorem multis laudibus extulit, & fuso sermone Benedicti pertinaciam perstrinxit. Eadem fere Cardinalis Florentinus peroravit, & multis benevolentiae ac mutuae amicitiae signis utrinque exhibitis, generalis hæc congregatio soluta est.

§. CCVI.

Oratio Joannis Gersonii de B. Virgine.

Gerson. to.
3. p. 1436.

Aliquot abhinc diebus, scilicet die octava ejusdem Mensis Cardinalis Cameracensis publice proposuit hanc quaestionem: utrum plenitudo potestatis Ecclesiæ in solo Romano Pontifice resideat? Eodem die Gersonius sermonem habuit